



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Urbinatia.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

URBINATIA.

133

Interiùs.

D. O. M.

Jacobo Cagnacino J. C. qui post perfunctos in patria summa æquitate Magistratus, ad publiceq; docendi munus, magna sui nominis gloria, doctrinæ ergó accersitus Ticinum, morte præventus obiit, anno M. D. L. Amici B. M. F. curarunt.

IN AEDE SACRA SANCTAE

Mariæ in monte.

Ænigma.

Quæ sunt, pro his quæ non sunt, quæ si essent, pro his quæ cum sint, non sunt quæ videntur esse, pro his quæ clam sunt,

In causa sunt, ut, quod estis, sitis.



URBINATIA.

IN PALATIO.

FEDERICUS Urbini Dux, Montis Ferretrii ac Durantis Comes, S. Rom. Ecclesiæ Confalonarius, atque confœderationis Imperator: hanc domum á fundamentis erectam, gloriæ & posteritati suæ ædificavit, qui bello pluries depugnauit: sexies signa contulit: octies hostem profligauit: omniumque præliorum victor ditionem auxit: ejusdem justitiâ, clementia, liberalitas & religio, pace victorias æquarunt ornaruntq;.

IN ARMAMENTARIO DUCIS URBINATIS.

Ensis loquitur.

Son quella, che difende la ragione.

Non ti fidar di me, se il cor ti manca.

IN BIBLIOTHECA

Ducis Urbini.

Sint tibi diuitia, sint aurea vasa, talenta

I ij

*Plurima, servorum turba, gemmaq̄, nitentes:
 Sint vestes varia, preciosa monilia, torques:
 Id totum hac longé superat praeclara supellex.
 Sint aurati etiam niveo de marmore postes:
 Et variis placeant penetralia picta figuris:
 Sint quoq̄, Trojanis circumdata moenia pannis,
 Et miro flagrent viridaria culta decore,
 Extra intraq̄, domus regali fulgida luxu:
 Res equidem mutæ; sed Bibliotheca pacata
 Jussa loqui, facunda nimis; vel jussa tacere,
 Est prodesse potens & delectare legentem.
 Tempora & ipsa docet, venturaq̄, plurima pandit,
 Explicat & cunctos cali terraq̄, labores.*

IN MUSAEO DUCIS.

Federicus Monfelinus, Dux Urbini, Montis Feretrii &
 Durantis Comes, serenissimi regis Siciliae Capitaneus ge-
 neralis, sanctæq̄; E. R. Confalonarius. M. CCCC. LXXVI.

AD IMAGINES PRAESTAN-
tium virorum.

PLATONI

Atheniensi, humanae divinæq̄; Philosophiae antistiti ce-
 leberrimo Fed. dicavit ex observantia.

ARISTOTELE

Stagiritæ, ob Philosophiam ritè exacte q̄; traditam, Fed.
 posuit ex gratitudine.

CL. PTOLEMAEO

Alexandrino, ob certam astrorum dimensionem, indu-
 ctasq̄; orbi terrarum lineas, vigiliis laboriq̄; æterno, Fed.
 dedic.

M. TULLIO

Ciceroni, ob disciplinarum varietatem, eloquentiæq̄; re-
 gnum, Fed. D. P. P. P. ex persuasione.

L. BOETHIO

Ob cujus commentationes Latini M. Varronis Scholas
 non desiderant. Fed. Urbin. Princeps P.

L. AN.

L. ANNAEO SENECAE

Corduben. cujus præceptis animus liberatur perturbati-
onibus, excoliturq; tranquillitas. Fed. erexit.

HOMERO

Smyrnaeo, cujus poësin ob divinam disciplinarum varie-
tatem, omnis ætas admirata est; affecutus nemo post. Gra-
titudo P.

D. AUGUSTINO

Ob sublimem doctrinam, cælestiumq; rerum indagatio-
nem luculentiss. post. edocti. F. C.

MOSAE

Judæo, ob populum servatum, divinisq; animatum legi-
bus, posteritas Christiana posuit.

SOLOMONI

Ob insigne sapiëntiæ cognomen. Fed. homini divino P. C.

D. THOMAE

Aquinati, cujus divinitas Philosophiæ Theologiæq; cõ-
mentationibus ornata est, dicat ob virtutem egregiam.

SCOTO

Ob sublimes cogitationes, cælestiumq; rerum assertatio-
nes accuratissimas, Fed. doctori acutissimo P.

PIO

Secundo, P. M. ob Imperium auctum armis, ornatumq;
eloquentiæ signis, Fed. posuit, magnitudini animi, labo-
ribusq; assiduis.

BESSARIONI

Græci Latiniq; conventus pacificatori, ob summam gra-
vitatem, doctrinæq; excellentiam Fed. amico sapientiss.
optimoq; posuit.

ALBERTO

Magno, ob res naturales, æmulatione Aristotelica perqui-
sitas, immensis voluminibus. posteritatis curæ sanctissi-
mæ B. M. P.

XYSTO

Quarto, P. M. ob Philosophiæ Theologiæq; scientiam ad
Pontificatum traducto. dicat benignitati immortalis.

DANTI

Antigerio, ob propagatos numeros, poëticamq; varia doctrina populo perscriptam. posita B.M.

P. VIRGILIO

Maroni, ob illustrata numeris Heroicis Romanorum incunabula, Imperiiq; poëtos divinitatem, Fed. dedit furori sublimi.

EUCLIDI

Megarensi, ob comprehensa terræ spacia lineis centroq; Fed. dedit, invento exactiss.

VICTORINO

Feltrensi, ob humanitatem, litteris exemploq; traditam, Fed. præceptori sanctiss.P.

SOLONI

Ob leges Atheniensibus traditas, Rom. tabularum seminario sanctissimo, Fed. P. ex studio bene instituendorum civium.

BARTOLO

Sentinati, acutissimo legum interpreti, æquissimoq; Fed. posuit, ex merito & justitia.

HIPPOCRATI

Coo ob salubritatem humano generi datam, brevibusq; demonstratam comprehensionibus, bona posteritatis valetudo dicat.

PETRO

Apono, medicorum arbitro æquissimo ob remotiorum disciplinarum studium insigne Fed.P. cur.

D. GREGORIO

In cælum relato, ob morum sanctitatem, librorum quoque elegantia testatam, gratitudo Christiana memor erexit.

D. HIERONYMO

Ob fidei Christianæ præcepta, doctrina elegantiaque illustrata, Fed. æternitatis gratia posuit.

D. AMBROSIO

Ob spretos fasces consulares, susceptumque Christianum

num nomen, & ornatam Latini sermonis jucunditatem,
Fed. P.

MONUMENTA FR. PETRARCHÆ.

Ob acerrimum ingenium, suavissimæq; ingenuitatis
doctrinam, posteritatis lætitia, lususq; dicavêre B. M.

ANTE INGRESSUM SACELLI.

*Bina vides parvo discrimine juncta sacello,
Altera pars Musis, altera sacra DEO est.*



MANTUANA.

IN MANTUAM J. CÆSAR
SCALIGER.

*M*axima cùm veteri turgeret Hetruria regno,
Sceptraq; terrarum jungeret aucta mari:
Mole nova tumuit, solisq; excrevit arvis,
Ut premeret forti jura aliena pede.
Inde est in superas deducta colonia terras:
Non tamen his potuit Mantua tota dari.
Clara viris, felix ducibus, divo inclyta cyeno,
Quem vitreis aluit Mincias Andis aquis.
Mantua dives arvis, magno non cesserit orbi,
Tota tamen parte hac vincitur ipsa sui.

INSCRIPTIONES
MANTUANÆ.

IN HORTIS DUCIS.

Plurimum facere, minimum loqui.
Ignem gladio ne fodias.
Tace, quod taceri vis.
Tempus nosce.
Aura fave.
Amor non imperatur.